

 Međunarodna humanitarna i razvojna organizacija Catholic Relief Services (CRS) u BiH i ove godine pomaže održivi povratak u Bosnu i Hercegovinu kroz svoj projekt "PODRŠKA ODRŽIVOJ (RE)INTEGRACIJI POVRATNIKA U BOSNI I HERCEGOVINI". Ovim projektom koji se implementira u više općina na području oba BH Entiteta, bit će dodijeljena pomoć tako da se povratnicima omogući zapošljavanje u maloj privredi, samozapošljavanje u poljoprivredi ili uvoženjem u prava iz domena socijalne zaštite, a sve u cilju ostvarivanja prihoda i ekonomskog osnaživanja njihova povratka.

Dodjelu ove ekonomske pomoći ili podrške u ostvarivanju socijalnih i drugih vrsta prava, a u cilju održivosti, imaju izbjegle ili raseljene osobe koje su izabrane kao korisnici kroz prvi talas Regionalnog stambenog projekta (RSP) i koja su vratila i žive na adresi koja je navedena u aplikaciji za RSP za obnovu ili izgradnju stambene jedinice, te koji ispunjavaju kriterije za ekonomsku pomoć ili su u potrebi za ovakvom vrstom pomoći.

U implementaciji ovog projekta bilo kroz njegovo sufinanciranje ili kroz razne aktivnosti učestvuju i resorna entitetska ministarstva, lokalna uprava i samouprava i organizacije civilnog društva koje su usmjerene na pružanje pomoći u oblasti povratka i obnove.

Kao nastavak uspješne suradnje sa Savezom za povratak izbjeglih i raseljenih Bosanske Posavine u implementaciji i ovog projekta ova međunarodna humanitarna i razvojna organizacija i ove godine odlučila se za određen oblik partnerstva sa Savezom za povratak izbjeglih i raseljenih Bosanske Posavine.

odrzivipovratak.ba / 24. 8. 2015.